



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՆԱՁՈՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Լոռու մարզի Վանաձոր համայնք
Ք. Վանաձոր, Տիգրան Մեծի 22, Հեռ. 060 650162, 060 650040 vanadzor.lori@mta.gov.am,
info@vanadzor.am

Ո Ր Ո Շ ՈՒ Մ

22 նոյեմբերի 2024 թվականի N 2558

«ՇԻՆԷՔՍՊՐՏ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆԸ ԳՆՈՒՄՆԵՐԻ ԳՈՐԾԸՆԹԱՅԻՆ ՄԱՍՆԱԿՑԵԼՈՒ
ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ՝ ՑՈՒՑԱԿՈՒՄ ՆԵՐԱՌԵԼՈՒ
ՎԵՐԱԲԵՐՅԱԼ

«Հայաստանի Հանրապետության Լոռու մարզի Վանաձորի համայնքապետարանի աշխատակազմ» ՀԿ-ի կողմից կազմակերպված ՀՀ ԼՄՎԸ ԳՀԾՁԲ-24/109 ծածկագրով նախագծանախահաշվային փաստաթղթերի կազմման աշխատանքների ձեռքբերման գնման ընթացակարգին 2,3,4,5,7,8,10,11 չափաբաժինների համար մասնակցության հայտ է ներկայացրել «Շինէքսպրտ» ՍՊԸ-ն: Գնահատող հանձնաժողովը 12.11.2024թ կայացած նիստում թիվ 3 արձանագրությամբ արձանագրվել է, որ «Շինէքսպրտ» ՍՊԸ-ի կողմից ներկայացված փաստաթղթերը չեն համապատասխանում հրավերի պահանջներին/ լիցենզիաները չի համապատասխանում ՀՀ Կառավարության 30 նոյեմբերի 2106-Ն որոշման/ առկա չէ հրավերով սահմանված պահանջվող լիցենզիաները:

Ղեկավարվելով ՀՀ կառավարության 2017 թվականի մայիսի 4-ի N526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ) 41-րդ կետով, մեկ աշխատանքային օրով հանձնաժողովը կասեցրել է նիստը, իսկ հանձնաժողովի քարտուղարը նույն օրը այդ մասին համակարգի միջոցով ծանուցել է «Շինէքսպրտ» ՍՊԸ-ին՝ առաջարկելով մինչև կասեցման ժամկետի ավարտը շտկել անհամապատասխանությունը: «Շինէքսպրտ» ՍՊԸ-ն 13.11.2024թ էլեկտրոնային փոստի միջոցով պատասխանել է, որ ունի ԲՊԼ 17161 լիցենզիան, որը ներկա պահի դրությամբ համարվում է գործող: Հանձնաժողովի 14.11.2024թ նիստի թիվ 4 արձանագրությամբ հանձնաժողովը արձանագրել է, որ մասնակցի լիցենզիաները չի համապատասխանում ՀՀ կառավարության 30 նոյեմբերի 2106-Ն որոշման պահանջներին և «Շինէքսպրտ» ՍՊԸ-ի հայտը համարվում է հրավերի պահանջներին անհամապատասխան: Հիմք ընդունելով ՀՀ կառավարության N526-Ն որոշման 42-րդ կետը հանձնաժողովը մերժել է «Շինէքսպրտ» ՍՊԸ-ի կողմից ներկայացված հայտը:

Հանձնաժողովի թիվ 4 արձանագրությամբ 15.11.2024թ 2,3,4,5,7,8,10,11 չափաբաժինների համար գնման ընթացակարգը հայտարարվել է չկայացած և նույն օրը հանձնաժողովի քարտուղարը տեղեկագրում հրապարակել է ընթացակարգը չկայացած հայտարարելու մասին հայտարարությունը:

Այսպիսով՝ «Շինէքսպրո» ՍՊԸ-ի կողմից ներկայացված լիցենզիաները չի համապատասխանում հրավերով սահմանված պահանջներին: Համաձայն «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի մասնակիցը խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին «Շինէքսպրո» ՍՊԸ-ի հետագա մասնակցության դադարեցմանը:

Ելնելով վերոգրյալից և ղեկավարվելով «Գնումների մասին» ՀՀ օրենքի 6-րդ հոդվածի 2-րդ մասով, այն է՝ Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա, որոշում եմ.

1.«ՇԻՆԷՔՍՊՐՏ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում:

ՀԱՄԱՅՆՔԻ ՂԵԿԱՎԱՐԻ
ՊԱՇՏՈՆԱԿԱՏԱՐ՝ ԱՐԿԱԴԻ ՓԵԼԵՇՅԱՆ

Ճիշտ է՝
ԱՇԽԱՏԱԿԱԶՄԻ ՔԱՐՏՈՒՂԱՐ



Հ.ՎԻՐԱԲՅԱՆ